

畫乘要畧

靜仁藏

乾



白井華陽著

畫一乘西女田各



余嘗訪黃鶴道人白井華陽
在坐華陽先將批釋說書史
世之興廢人之邪正我之勝敗策
之得失法家之言謬屢如指掌
譚鋒之所發余亦遇之辟易
後屢往來一日午和法諱史漢
批之華陽旌幟自變如而說初

說禪終而說角能說演劇宛轉
不窮余復為之辟易其純性
有道人焉者余因謂之曰子業子
青者古會畫師之傳可得也乎
集陽嬰始為起曰是者本分之
事也無說乎乃出所畫畫乘
要畧五卷示之曰是守生精神之

所注也終後弄吻之類也余把而閱
之臚列古今畫家之傳分派論法
簡而不遺議論造之出意表矣
於是知孝曰子之禪鋒逾出逾
銳而亦其本業也且精且合而
後為畫子之能損杖亦人不易也
文畫亦係人品亦士風之所在此書

併及令人智後之觀以者果以若何
若噫系陽之用心不特丹青也

辛卯春至日

松南源長弘題



畫乘要畧序

志立業成精至技進自古以辨士名人烘
共于世者要之出志之精至之極也白井
華陽越後新涼人弘童時以善畫
匠北汀吳氏而學弱冠遊在古執執費
鵬老道遙藝苑或與奇衲異僧相往來
頗通禪理近往京師同業為父子而技
愈進蓋其所師友皆一時雄杰之士也
為人磊落不拘細節嗜酒激烈如將

騎筋鞭鬣撐扶天地之根蓋稟北溟
風濤之氣而生矣然而其於所師敬
之如嚴君其於所弟愛之如慈母常
誘之以孝弟之訓雖或折蓂爰答之而其
惠存焉有心文學名世者則必訪之帖
眉下氣恭然如不足其相與柔白也
則談笑興雲榻角生風生快活人也
一日携其所著畫志要略若干卷來
曰我焦心耗精十有餘年子茲而僅成

此編披而閱焉則本邦古今畫家無
不涉其褒貶議論分明如枰上碁子
黑白粲然旁觀者善辨其勝敗不但
論其工拙與優劣而已折其儀毛易
貌之際詳傳心寫照之要率自禪理
中來加以詠諧脫俗之談以充序上之
資可謂畫苑之重寶左平之清話也
此書一出必也令世和墨紙筆者誦
之無倦華陽成業哉

天保辛卯九月

仁科幹撰

藤林第書


畫乘要略自叙

余前編此書袖稿本不互卓坐
先生之見曰著述豈容易
哉那村識文之幸無備者不能也
著述豈易之可也予其善之予
汗能欲附兩下數矣偶得之如
和當語以予志且嘆福隨和當

言要略
五
曰何事為子且會吾家之不立
文字其業莫不成也何更患焉
乎余曰文字終未諳以於不立
文字乎和當曰若能向不立文
字上深淺以出必有所得子其
勉焉予強報譽以謝其而某
尾之點室禪師及諸禪師以如

年後一公悅然僅見其路然
及於取者必論其苦讀之味
其心官之私見耳於是陶
汰別撥庶幾稿以考究諸家之
得失是此長短優劣無定之氣
操之私於其旨遂以竣業者
乃為其和當一辨之必其也

予為十為得海笑之得二年
辛卯五月日為陽白井廣後
子標名如畫樓



松園翁書



凡例

- 一 諸家有以名行者有以號行者以其所行標出優
- 搜閱也
- 一 此編諸家次序或以世系或以畫脈故其先後非
- 係褒貶也
- 一 此編質筆射利之徒雖有好手名排而不取
- 一 此編今人少壯未大行者亦錄之此所以望他日
- 大成也
- 一 此編隨見聞輒記不能無遺漏焉然出群超倫者

六抵具於此滄海遺珠將俟他日收拾焉

一畫家履歷行狀往往失傳故多因其筆蹟以立評論也

一諸先輩評及愚評或先或後覆辨明論意也非敢為踰越也

一此編所載諸家其工拙姑措而不論求其清潔偉行者特表之矣英一蝶至孝芭蕉風流忘名利池大雅志行端直若冲清淨以自牧僧玉翁匿畫名不敢失戒相余老師岸翁歲十四售其畫以養父

母之類也嗚呼二百年來諸賢之行事猶必有足觀者然余之所聞見者此數人而已敬慕之餘錄以闡于世

一人之技藝相別三日可刮目而待况終身乎且有始終全其名者有初屈而後伸者有初盛而後跌者至百年後是非得失始定然則今人不可評論也必矣今竊以鄙見妄加評諸君僭踰罪無所逃請恕請恕

一畫道之行也蓋尚矣至唐李子訓王摩詰一變舊

格各究其神妙後世謂王氏稱南派李氏爲北派
遂共爲百世祖矣及五代之時南北名士連綿不
斷也宋尚畫置院以募名士其尤粹然者梁楷馬
遠夏珪山水人物鳥獸靡弗致其妙及胡元黃公
望王蒙吳鎮輩是其尤者而王氏之簡淡高致以
一變宋格各極其妙後世謂之元格至朱明宋元
二格並行明人又有一種風致清人振起元格其
畫論特精吾邦應安之際始傳宋格首倡之者爲
可翁如拙成之者爲周文雪舟元信皆臻其妙雪
舟特會王洽潑墨法風靡海內探幽又悟其意別
創一格名振遠近其後清人畫譜相繼而至世始
得見清人風致由是池大雅謝蕪村等倡元格一
時噪然也夫畫道之變化猶四時錯行而不極左
右旋轉無失宗派者可以爲良工也不可以南北
爲優劣也工拙雅俗各在其人學者其致思焉
一如洞雪楊門及如流齋充信等不是附錄者例宜
總錄姓氏以別之今加一者從省已

畫乘要略卷一目次

乾

土佐光信 二丁

土佐光起 二丁

岩佐又平 三丁

僧如拙 四丁

僧周文 五丁

小栗宗丹 宗栗常山十洲

附 五丁

僧明兆 六丁

真能 真藝真六丁相附

曾我秀文 七丁

曾我蛇足 宗文紹仙宗七丁譽紹祥附

曾我直菴 子直菴七丁王翁附

僧雪舟 八丁

僧洞雪 九丁

僧雪村 九丁

僧揚門 九丁

雲谷等顏 等益附九丁

長谷川等伯 十丁 長谷川信春 十丁

狩野正信 十一丁

狩野元信 十一丁

狩野之信 十三丁

乾

狩野松榮

十一

狩野永徳

十二

海北友松

十三

海北友雪

友竹友泉忠
馬友三附

狩野山樂

十四

狩野山雪

十五

狩野永納

永敬永伯永良永
常永俊永岳附

狩野光信

興意
附

狩野孝信

十五

畫乘要略卷二

狩野守信

探信探雪
遠澤附

久隅守景

十七

鶴澤探山

探鯨探索探
泉探春附

雛屋如流齋

十七

勝山琢舟

琢眼琢
文附

牲川充信

十八

吉村周山

十八

橘守國

十八

大森搜雲

搜月
附

石田幽汀

友汀
附

江村春甫

十八

狩野尚信

十八

狩野常信

十九

狩野周信

十九

狩野安信

十九

狩野益信

二十

石川丈山

二十

惺惺翁

二十

宮本武藏

二十

片桐宗關

二十一

英一蝶

一峯一舟
川嵩谷附

僧風外

二十一

僧雪峯

二十一

野村宗達

二十一

尾形光琳

乾山
附

宗雪

二十三

渡邊始興

二十四

狩野山卜

二十四

山口雪溪

二十四

望月玉蟾

誠齋齋
山附

狩野山卜

二十五

大西醉月

二十五

村上東洲

竹堂古
秀照

村上東洲

二十五

乾

松尾芭蕉 二五丁

雛屋立甫 二五丁

西川祐信 二六丁

菱川師信 二六丁

大岡春卜 春水 二六丁

僧古礪 二六丁

高田敬甫 二六丁

月岡雪舄 武禪 附 二七丁

蔀關月 二七丁

常行 二八丁

僧可存 二八丁

吳俊明 子謹元誠 元敬主膳附 二八丁

吳北汀 榕堂洲 尾附 二九丁

廣嶋維明 如雲舄 介附 二九丁

加藤文麗 二九丁

林閔苑 二九丁

楫取魚彦 三〇丁

曾我蕭白 三〇丁

岩井正齋 三〇丁

鼎春岳 黄山 附 三〇丁

矢田四如軒 三一丁

大原慶山 三一丁

木村靜院 三一丁

櫻井雪關 三一丁

前川雪且 三一丁

黑田綾山 三一丁

僧鸞山 三一丁

谷等閑齋 三一丁

畫乘要略卷二目次

僧心越 二丁

僧木菴 二丁

僧大鵬 二丁

僧竺菴 二丁

僧逸然 二丁

沈南蘋 二丁

伊孚九 二丁

方西園 二丁

李用雲 二丁

費漢源 二丁

宋紫岩 二丁

諸葛白岩 二丁

鄭培 二丁

繡江 繡山蘭齋 月湖附 三丁

鶴亭 鶴洲鶴 翁附 三丁

宋紫石 紫山 附 四丁

土方稻嶺 四丁

蠣崎波響 四丁

坤

坤

建凌岱 四丁

諸葛監 四丁

小倉東溪 四丁

黑川龜玉 四丁

珉山 五丁

三熊花顛 五丁

范古 五丁

錢必東 五丁

僧佚山 五丁

彭城百川 六丁

祇園南海 六丁

柳澤淇園 七丁

謝蕪村 七丁

紀梅亭 八丁

中漸 八丁

若城藍田 八丁

昔齋 八丁

池大雅 八丁

福原五岳 十丁

青木夙夜 十丁

僧月峯 義亮清亮附 十一丁

僧證覺 十一丁

大嶋芙蓉 十一丁

山田宮常 十一丁

宮崎筠圃 十二丁

山科李蹊 十二丁

淺井圖南 十二丁

御園中渠 十二丁

伊藤若冲 十三丁

僧維明 十三丁

馬含 十三丁

市川君圭 十三丁

僧玉翁 玉潁附 十三丁

木村兼葭 十四丁

皆川淇園 十四丁

龜田鵬齋 十四丁

中野龍田 十四丁

十時梅啞 十五丁

井上子朗 十五丁

米山人 半江附 十五丁

福鳴關山 十五丁

西村南溪 十五丁

長町竹石 東原雲屋 春塘附 十五丁

濱田杏堂 十六丁

野呂介石 蔡徵有竹少 林桑嗣祭附 十六丁

釗雲泉 十七丁

中林竹洞 笠山悠 山附 十七丁

勾田臺嶺 十八丁

山本梅逸 十八丁

浦上春琴 玉堂雲室 稻垣克附 十八丁

坤

小田百谷 二十九丁

春水南湖

南溟湖附 西十九丁

山崎雲山 二十九丁

大窪詩佛

如亭附 二十九丁

龜田鶴山 二十九丁

倉石米山

乾山附 二十九丁

貫名海屋 二十九丁

石川侃齋

二十九丁

鐵翁逸雲 二十九丁

濱地庸山

二十九丁

畫乘要略卷四目次

圓山應舉

應瑞應受應震 二十九丁

長澤蘆雪

蘆洲附 二十九丁

駒井源琦 二十九丁

山跡鶴嶺

二十九丁

森徹山 二十九丁

山本守禮

二十九丁

吉村孝敬

孝文附 二十九丁

山口素絢

夜潮附 二十九丁

嶋田元直 二十九丁

土岐濟美

二十九丁

春舉 二十九丁

龜岡規禮

二十九丁

吳月溪 二十九丁

松村景文

清輝九 二十九丁

岡本豐彦

雲章附 二十九丁

柴田義董

義峯五嶺附 二十九丁

紀東暉

廣年精齋 二十九丁

僧月僊

二十九丁

玉瑾 二十九丁

岡熊岳

二十九丁

森祖仙 二十九丁

中村方中

二十九丁

田中訥言 二十九丁

中井藍江

二十九丁

畫乘要略各卷目次

五

坤

井戸蒲田 <small>三三丁</small>	鈴木芙蓉 <small>鳴門附三三丁</small>	谷文晁 <small>文一文二附馬孟熙附三三丁</small>
大西圭齋 <small>三三丁</small>	渡邊玄對 <small>赤水附三三丁</small>	鏑木梅溪 <small>雲潭附三三丁</small>
喜多武清 <small>三三丁</small>	遠坂文應 <small>三三丁</small>	大西椿年 <small>三三丁</small>
谷口月窓 <small>三三丁</small>	岡田閑林 <small>三三丁</small>	清水曲河 <small>三三丁</small>
仁科錦川 <small>三三丁</small>	鈴木南嶺 <small>三三丁</small>	渡邊華山 <small>三三丁</small>
福智白瑛 <small>三三丁</small>	張月樵 <small>三三丁</small>	原在中 <small>在正在明附三三丁</small>
東洋 <small>東寅田俊附三三丁</small>	大原吞響 <small>吞舟附三三丁</small>	藤桃齋 <small>三三丁</small>
五十嵐華亭 <small>三三丁</small>	浮田一蕙 <small>三三丁</small>	

畫乘要略卷五目次

岸同功 <small>三三丁</small>	岸卓堂 <small>岸慶附三三丁</small>	岸畫雲 <small>三三丁</small>
岸連山 <small>三三丁</small>	河村文鳳 <small>琦鳳鳳仙附三三丁</small>	
村上松堂 <small>三三丁</small>	橫山華山 <small>三三丁</small>	水津成功 <small>三三丁</small>
望月玉川 <small>三三丁</small>	松本文平 <small>三三丁</small>	清水天民 <small>三三丁</small>
吉田偃武 <small>三三丁</small>	池專定 <small>三三丁</small>	森鳳洲 <small>三三丁</small>
廣瀬順固 <small>栢園附三三丁</small>	赤松鶴年 <small>三三丁</small>	白井三嶋 <small>三三丁</small>
宮澤武日 <small>三三丁</small>	村東旭 <small>梅岳附三三丁</small>	石田秀峯 <small>三三丁</small>
小浦小園 <small>三三丁</small>	上田華堂 <small>三三丁</small>	竹村良明 <small>三三丁</small>
井上玉溪 <small>三三丁</small>		

坤

閨秀目次

女雪信	四十一	女大橋	四十一	女玉瀾	四十二
女來禽	四十一	女露香	四十一	女瑟瑟	四十二
女雪蓬	四十一	女秋山	四十一	女玉韞	四十二
女秋香	紅藍橘 二附四十一	女細香	四十二	女紅鸞	四十三
女秋蘭	四十三	女香夢	四十三	女三保	四十三
女緗桃	翠雲 附四十三	女小鸞	四十四	女照子	四十四
女香蘭	四十四	女小琴	四十四	女菊子	四十四
女栖鳳	四十四				

畫乘要略卷一



越後 華陽白井廣士潤 著
平安 有芳近藤安伯仁 校

卓堂先生曰本邦當隋唐之間多傳佛像天尊及
變相圖由是其畫格漸行於世古史有和畫師音
擣者蓋與隋唐對稱也其餘有畫名者如聖德太
子弘法大師管大臣以其人想其畫超凡可知也
百濟河成巨勢金岡山水人物精微逼真蓋學唐
人而巧者歟金岡嘗所作十界圖今在坂本來迎

寺或謂巨勢弘高之所畫其筆格賦色足見唐人遺法也至中古以藤原信實鳥羽學猷宅間澄賀住吉法眼為四傑皆善佛像人物及變相圖及明應之際土佐光信折衷諸家自出機軸子孫紹其業設色布置俱有來歷如後三年軍記義經記源氏譚等卧軸精微可觀當時狩野雲谷之徒競起風靡天下然赤幟終難拔者蓋有以也

梅泉曰金岡所作十界圖所現存自地獄界到天中上界而已自聲聞界以上似不足者或曰修羅界中之軍器有出金岡之後者恐弘高之所圖弘高出家後還俗而悔破戒專寫佛像及變相圖以償其罪業云余按圖中有加綾繡笠於曹上者綾繡笠者散見鎌倉氏前後之圖未知其製作之年月姑俟博古君子蓋此十界之圖恐六道之圖也為十界則欠四界為六道其幅自全

光信

土佐光信姓藤原光信四世祖曰經隆叙從五位任土佐守掌繪局經隆子曰行光任越前守延文六年掌繪局行光子曰光重任越前守明德元年掌繪局光重子曰光弘任中務丞掌繪局光弘弟曰廣周任土佐守兼彈正忠永享十一年掌繪局光信光弘子也家世任土佐守因以氏焉光信博綜攬古諸家以

光光廣光光
則元周重信

光光光行
吉茂弘光

變通之自爲一家長人物工花鳥尤善摸公卿宮鬢設色古雅後人法之任左近將監明應五年掌繪局其子光茂享祿五年任刑部太輔兼土佐守其子光元永祿中任左近衛將監其弟光吉天正中掌繪局其子光則寬永中掌繪局

光起

光起光則子也元祿中任左近衛將監掌繪局後薙髮號常昭叙法橋善人物花鳥畫臻佳妙先是土佐氏畫格漸衰至光起復大振光起又長秘戲圖嫵媚

靡麗人皆稱之光起子爲光成光成子爲光祐光祐子爲光芳光芳子爲光淳光淳弟爲光貞光貞子爲光孚世掌繪局

梅泉曰土佐氏家譜與狩野某說少異今姑錄俟識者

岩佐又平

岩佐又平名勝重攝津伊丹城主荒木攝津守村重之遺孽育越前岩佐氏因冒其姓寬永中遊平安師土佐光則後以畫仕越前侯世稱爲浮世又平者即

光起
光祐
光成
光淳
光芳
光貞
岩佐又平

是也

卓堂先生曰余按以勝重爲學光則則勝重寬永正保年間人而距今僅百數十年然其遺蹟幾希又無拔群傑出之名巨勢金岡距今殆千年坂本來迎寺現存其遺蹟中古藤原信實宅間澄賀亦往往見之其技振當代而名後世者大抵如此而勝重之名寥寥無聞或稱爲浮世又平者傳會之說耳

梅泉曰世稱浮世又平者本無其人也然世多錯認土佐氏古畫無落款者以爲又平作而珍重之是出於戲場一時之作元無實事世從而稱之豈足據乎

卓堂先生曰應安已來天下畫格以馬遠夏珪梁楷牧溪等爲準的其流爲三派雲谷氏狩野氏曾我氏是也而爲之宗師者大率皆筆力圓勁超逸飛動巨障高壁多多益壯也其力量氣局非近人之所企及也

北汀先生曰自應安至寶曆年間諸家作花木禽

獸者不少然臻其佳境者殆希是其失在學傳來
摸本矣近世應舉就動植寫其形細密精巧過往
昔諸家遠矣然動爲形似所縛不能振腕力是以
乏骨氣流弱劣惜矣夫

僧如拙

如拙或曰西海人或曰明人應安年間寓京師相國
寺本邦宗宋人畫法者如拙蓋爲其嚆矢矣

梅泉曰如拙蓋明人歟余觀周文山水頗有明人
之風致乃傳如拙法者因知如拙爲明人然未見

其遺蹟故難確定其門下有周文且宗丹真能雪
舟元信輩皆出其派則如拙之所蘊可知也蓋非
溪山大澤何生此神龍乎又按如拙蓋學牧溪者
歟自小栗宗丹至山口雪溪諸家往往學牧溪是
豈倣如拙而然者歟先是然可翁亦學牧溪

僧周文

周文稱春育不知何許人在洛相國寺師如拙直追
宋人有出藍名海內學者宗之

梅泉曰余頃於紫野養德院觀周文所畫巨障山

如拙
周文

水殆逼宋人以排筆作水際淡墨瀟灑頗有明人之手法其師如拙蓋明人故有明時之習歟

宗丹 宗栗常山十洲附

小栗宗丹足利家臣也後薙髮居相國寺師周文又慕牧溪號自溪山水人物皆為神妙應永中人其子宗栗亦為能畫徙居若狹小濱晚年入京寓大德寺宗栗後裔為元愷號常山工詩有鶴皋集元愷弟光胤字萬年號十洲十洲復徙居平安兼能詩書畫卓堂先生曰當時諸家專學牧溪畫猶往昔諸卿

之學樂天詩也

僧明兆

明兆號吉山又號破草鞋在東福寺為殿主人因稱兆殿主嘗作釋迦涅槃圖有家狸常來其側明兆戲曰古人涅槃圖百獸咸具未見有汝吾今為汝添一筆矣乃寫之後家狸不復來東福寺所藏涅槃圖即是也寫道釋人物為本邦第一應永中人

梅泉曰兆殿主嘗欲入明摹李公麟遺蹟途遇一僧語以航海之志僧乃出李公麟羅漢圖卷摹本

宗丹
元愷
明兆

宗栗
光胤

授之明兆大喜致謝而還後其筆大進云
卓堂先生曰如兆殿主所畫東福寺大幅觀音大
士及十三佛圖筆力圓轉氣格雄偉雖宋人恐不
能企也其為殿主恬退終身真知識哉

真能真藝真相附

真能通稱能阿彌平安人仕將軍義持為茶頭鑒定
古蹟世以其題識為據師周文善山水人物花鳥余
嘗觀其折枝山茶有宋人風致又善狂畫其子真藝
稱藝阿彌號學叟傳家法觀其瀟湘八景圖筆情冲

和有高致真藝子真相稱相阿彌號松雪齋仕將軍
義政父子相繼為茶頭善山水人物花鳥余觀其山
水用筆出于周文而別為一格世稱妙手

秀文

秀文明人歸化寄寓越前朝倉家為曾我氏贅婿因
冒其姓究宋人法而立一格世別於周文曰唐秀文
蓋以周秀國音同故也然未審其實

梅泉曰聞秀文名未見其遺蹟或云本無其人然
到今其名在口碑故姑筆之俟博古君子

真能
秀文
真相

蛇足 宗文紹仙宗
譽紹祥附

曾我蛇足或云秀文子恐是妄說畫亦不知法何人
自率胸臆豪邁放縱山水人物花艸鳥獸以勁筆濃
墨作之蓋以骨氣勝也余嘗觀布袋大黑對奕圖筆
力雄健面貌如生有一休和尚讚辭亦為雅賞蛇足
子為宗文宗文子為紹仙紹仙子為宗譽宗譽子為
紹祥皆善畫

直菴 子直菴
玉翁附

曾我直菴紹祥子也善山水人物花艸禽獸尤工畫

鷹賦色清湛筆勢如生擅名於一時世人珍之其子
某亦號直菴精畫鷹弟子玉翁亦工畫鷹

岡本菘村曰世人知稱直菴畫鷹未知稱其山水
父子以直菴為號而尤以子直菴為佳品筆法纖
勁整飭工緻與雲谷等顏略同格玉翁亦好手
梅泉曰余觀父直菴山水筆姿冲和有雅韻其格
似真相

僧雪舟

雪舟名等揚備中人工書善畫專法宋人於夏珪梁

蛇足 宗文紹仙宗
紹祥譽
直菴 子直菴
玉翁
雪舟

楷尤爲淡詣嘗入明登四明天童山爲第一座焉歸朝後不喜設色畫史云學設色於李在者非也長山水人物兼工花艸翎毛又工畫龍筆力圓勁墨痕淋漓自爲一派凡人物馬牛減筆有生意減筆之格益創于雪舟

梅泉曰相傳道元禪師入宋自摹水墨白衣大士圖而歸其後歸化之僧亦有作水墨畫者然未盛行于世也至如拙周文專作水墨畫而雪舟又特創一格由是水墨之畫大行矣吾聞肥薩之間多

雪舟遺蹟其落款曰做玉澗筆意然則雪舟豈做玉澗而然者耶又按雪舟航海之時爲寬正元年而永正三年歲八十七而寂然則航海之時爲四十四歲矣康曆二年周文學如拙距雪舟航海之時八十餘年矣傳云雪舟親學周文可疑

僧洞雪陸奧人學雪舟得其法

僧雪村

雪村名周繼又號鶴舩老翁常陸人或云師洞雪得雪舟法而兼并諸家以開生面頗有大家之風度

吳月溪曰雪村畫淡得雪舟法其寫山水殆不減雪舟也

梅泉曰傳云雪村慕雪舟雖未面接而約師弟之義按雪舟永正三年寂元龜三年雪村流寓常陸自永正三年至元龜三年其間相距六十餘年其謂學雪舟者非也其謂師洞雪者近是

僧揚門長門人學雪舟得其法

等顏等益附

原等顏通稱治兵衛肥前人初學狩野松榮得其筆

法後從揚門得雪舟之法山水結構緊密脈絡井然又善人物纖勁存神味自為一格毛利輝元嘗索傳雪舟筆法者等顏應之因改為雲谷氏子孫世受其俸元龜中人其子等益不墜家聲

梅泉曰等顏父子之後世稱雲谷派者其筆粗惡有露骨之病乏渾厚之氣去雪舟遠矣

等伯

長谷川等伯通稱久六能登人蚤入京初學狩野氏當是時永德山樂友松相繼有聲譽等伯知難出其

等顏
等伯

右遂變其格自稱雪舟第五世以抗狩野氏焉第五世者蓋謂其畫脈之所傳也後叙法眼晚年腕力益適健尤長大作本願寺多其遺蹟天正中人

卓堂先生曰當等伯時狩野氏畫格盛行風靡天下因自假雪舟五世之名以建別幟是徒欺時俗耳若使等伯讀書通古直學宋元名家則與狩野雲谷二氏可鼎立其識不及此惜夫

信春

長谷川信春通稱久藏等伯子也學其父又參以狩

野元信稍變其格山水人物花草翎毛靡所不能擅名於一時世稱為能手論者謂其技優於父矣

正信

狩野正信相摸人入京仕足利將軍義政為侍臣法周文追步宋人筆力沉雄有古逸氣延德中人

元信

狩野元信號永仙正信長子也學其父又極宋人闔奧兼資土佐光信而自出機軸遂成大家矣人物山水入神品又工花鳥魚龍永祿中歿年八十三

信春
正信
元信

梅泉曰狩野某云織田信長嘗與近臣竊到元信家觀其畫元信爲不知而伸脚於机間執筆不顧公去隣人來告嚮太守在顧子何無禮元信曰渠來亦無禮故不敬也且我無求於渠故不答也由是觀之元信似尾張人然元信始仕足利氏後掌天朝之繪局未聞住在他國且織田氏永祿十一年初入京元信永祿二年歿相距凡九年矣然則織田氏訪元信果在何時乎嗚呼傳其派者濫飾妄說稱揚其畫祖以誣世人貽笑於後代可不

戒乎

卓堂先生嘗論元信伸脚於机間事曰凡操筆先正其容心閑意定而後下筆此話必妄也

之信

狩野之信稱雅樂亮正信仲子也初學乃父後出入南宋諸家遂成一家余嘗觀吳俊明所藏朱梅用筆厚重骨力有餘設色淡雅而神氣自然發越眞與宋人爭先最長巨障大壁

梅泉曰當時三好細川及松永之徒相繼作亂京

之信

畿鼎沸由是元信兄弟寓三井寺或隱山林又竄市中畫扇面以僅給衣食今觀二子遺蹟筆力雄偉而溫雅之氣溢紙外不見有霸氣怒張之累如二子者身生亂世以繪事擅美於一時可謂異材也

松榮

狩野松榮元信叔子也二兄相尋而歿因嗣家

永德

狩野永德名重信永德其號松榮長子也親炙祖父

元信得其法天正中歿歲四十八

北汀先生曰余頃遊大德寺觀其老松及櫻花磨飾金銀作日月之狀以釘畫上光輝奪目可謂奇作也

友松

海北友松名紹益初學永德後自出機軸為一派山水人物花禽艸獸皆臻佳妙如其人物以梁階減筆法作之世俗貴之余嘗觀巨壁墨馬數匹向背顧盼曲盡其態神駿飛騰使人聳動

松榮 永德
友松

友雪 友竹友泉忠馬友三附

海北友雪友松子也初學父後又稍變其格其子為友竹友竹子為友泉友泉子為忠馬忠馬子為友三世其業

紀東暉曰友雪所畫清水寺紙馬田村將軍戰鈴鹿山圖筆力嚴正設色古雅圖中有一僧又畫執弓射者而不畫觀音像妙出人意表

吳月溪曰探幽嘗奉 霸府命將畫知恩院門樓偶遊清水寺觀友雪紙馬大嘆賞之因薦友雪代

已友雪固辭於是探幽畫龍及天人於仰板而友雪畫龍及水於柱

北汀先生曰余過知恩院觀探幽及友雪畫如其畫天人賦色運筆俱佳至畫龍不見異靈動人賦色亦不足稱焉如友雪畫與庸工何別

山樂

木村山樂名光賴近江人仕豐臣氏受業於永德有故冒其氏山水豐潤人物頗得宋人風致兼花鳥牛馬東福寺法堂仰板之畫龍乃其遺蹟也寬永中歿

友雪
友泉
友竹
友馬

歲七十七

梅泉曰坂城陷後山樂潛匿惺惺翁家 霸府索

坂城之浪士甚急翁懇請 霸府曰光頼畫匠耳

非武人也乃以東福寺法堂仰板畫龍傍有大谷

刑部少輔吉次命畫工圖之之字證之 霸府赦

之

卓堂先生曰山樂師承德有出藍之名至山水甚

得周文之風致又觀東福寺仰板畫龍自首至尾

其筆如不用意者故無滯凝之病是山樂之所長

山雪

狩野山雪為山樂義子號蛇足軒受父法後自變夏

人物山水花艸魚龍鳥獸皆雅率可重山雪始稱縫

殿助後子孫世以縫殿為通稱

永納 永敬永伯永良永常永俊永岳附

狩野永納號山靜一號梅岳山雪長子也著本朝畫

史行于世永納子為永敬永敬子為永伯永伯子為

永良其遺蹟洛東祇園祠紙馬有揚妃圖永良子為

永常永常子為永俊永俊義子為永岳皆世其業

山雪 永納

永敬永伯永良永常永俊永岳附

光信附興意

狩野光信稱右京進永德長子也弟子興意為能品
孝信

狩野孝信稱右近將監永德季子乃探幽父也

畫乘要略卷二

越後 華陽白井廣士潤 著

平安 有芳近藤安伯仁 校

卓堂先生曰天運循環終而必始人材亦從而興
神祖治世之後探幽兄弟及常信守景等萃於一
時海內學者翕然響應其餘一蝶之狂逸松華芭
蕉風外之遠韻清秀伊牟光琳之以竒而勝雪溪
玉蟾之以古而勝蕭白之跡馳豪宕鸞山之縱橫
馳突及始興敬甫俊明關月閔苑之輩亦一時之

選也

守信探信探雪遠澤附

狩野守信初稱采女後雜髮號探幽齋光信孝信相尋歿就興意受家法少時家貧無資給糊金箔襪紙以連綴之用摸古蹟既熟家法又學宋元名家參以雪舟減筆法一洗家學遂為中興祖矣名震一時守信繼父掌繪局後 霸府辟收幕下子孫世其俸後叙法印延寶中卒享年七十三其子探信探雪各能家學弟子加藤遠澤名守行陸奧會津人後差變其

格嘗觀鐘馗小幅用墨濃濕頗得雪舟風致

梅泉曰探幽兼并諸家縱橫馳騁自出機軸海內學者靡然嚮風清人方西園嘗浪泊於上總主某氏主人請畫時壁間偶掛探幽畫幅西園嘆賞不已因臨其畫而與之

守景

久隅守景通稱半兵衛學探幽會得其意尤長山水人物超邁雅健曲盡其妙余嘗觀其水仙梅花小幅與雪舟伯仲探幽門下無出其右者

守信探信探雪遠澤
守景

梅泉曰加賀侯辟守景國人爭請其畫侯三年不命畫近臣問曰何不命之侯曰寡人早命之恐令它無暇應國人之需也至今北地多守景畫為此也

探山 探鯢探泉探春附

鶴澤探山平安人學探幽筆力健勁有氣力其子為探鯢探鯢子為探索探索子為探泉探泉子為探春皆有名于世
如流齋屋號雛屋稱源助學探山得其法

探山 探鯢探泉探春
如流齋 琢眼 琢舟
周山 守國
搜雲 幽汀

勝山琢舟師如流齋觀源義家圖采色華湛極精巧琢舟子為琢眼琢眼子為琢文亦皆有名
牲川充信號櫟同學探山出新意
吉村周山名充興號探仙學充信
橘守國號後素軒學探山嘗著彫本名曰寫寶袋行于世
大森搜雲名守一師探山得其法其義子搜月亦熟家法
石田幽汀名叔明平安人學探鯢得其法其子友汀

亦有名

江村春甫平安人學探鯢稱能手

尚信

狩野尚信稱主馬號自適齋守信弟也少守信一歲尚信人物花艸魚龍鳥獸天姿超邁與家兄並馳而名重藝林惜哉中年而歿天假之以年恐家兄不能專其美矣

卓堂先生曰觀尚信金屏畫猛虎越懸泉圖形似甚疎然覺腥風颼颼拂席而起古人所謂求神韻

於形似外者歟

梅泉曰探幽兄弟奔逸一時諸士瞠乎其後由是自製家法授弟子識者謂師弟傳洙徒襲皮相不求之於古以塞己性靈故有流臭於後世之譏蓋把毫臨紙變通在我豈為他之規矩所縛乎自得之妙不可教其可教者文字也言語也不能入至妙也縱令有明師密授不如自得故得之於心應之於手心手相合而妙機自發矣

常信

春甫尚信
常信

狩野常信稱養朴號寬耕齋尚信子也叙法印傳家
法余嘗於某家觀其六曲屏風畫馬二匹神氣如生
同功先生曰尚信常信比探幽少久縱橫手術然
久處却見秀雅

狩野周信號如川常信子也畫格老成稱能手

狩野安信號牧心齋稱右京孝信子也叙法眼

梅泉曰余嘗遊江都抵淺草觀音堂觀仰板畫龍
神氣活動

北汀先生曰自探幽至周信父子兄弟俱長其技

所謂芝蘭玉樹生庭階者耶

狩野益信號洞雲後藤某子為探幽義子冒其氏嘗
觀子猷訪戴圖用筆沈著設色秀雅

梅泉曰狩野氏世多聞人然有家譜行于世今不
贅於此

丈山

石川丈山一號六六山人參河人仕于神祖退而

隱洛東一乘寺村築詩仙堂仰板畫龍其所自作也
畫格出狩野氏磊落可觀

周信 安信
益信 丈山

北汀先生曰丈山致仕養母母歿後栖遲東山不復涉鴨川有召而遂不出有自誓倭歌世人之所知也

僧惺惺翁

惺惺翁名昭乘又號松華堂石清水瀧本坊主也善書畫初師山樂後自發舒性靈隨筆落墨風味清曜舉世雅重之

宮本武藏

宮本武藏善擊劍世所謂二刀流之祖也平安東寺

觀智院有其畫山水人物法海北氏氣豪力沈

梅泉曰武藏善擊劍用木刀擊殺佐佐木巖流膾炙人口然今觀其筆蹟殆亦超凡如武藏者所謂風霜中時帶春芳者

片桐宗關名貞昌善點茶儀寄興筆墨其畫名於時

一蝶一峯一舟一川嵩谷附

英一蝶初氏多賀名信香有故流謫於八丈嶋時見蝴蝶集草花忽聞有赦書大喜乃更其姓名攝津人徙居江都學狩野安信稍更其格善人物花鳥又長

惺翁 宮武藏
宗関
一蝶 一峯 一舟
一川 嵩谷

狂畫奇情異思愈出愈妙每以解人願其在嶋也擇
嶋中石及木皮以為設色後遭赦歸其技倍進大行
于世一蝶子為一峯一峯義子為一舟一舟子為一
川皆能家學近來有嵩谷者學其法住江戶淺草觀
音堂有賴政射鶴圖設色高古布置頗工世稱能手
梅泉曰一蝶遠謫之日與朋友門生別一蝶垂淚
曰自今謫居於海嶋中死生不可測又不能數通
音信也鹽藏鯨者嶋產也嶋人遠鬻於江都苟有
苞中插竹葉者則是我保命之證也於是朋友門

生皆泣下後或見鹽藏鯨苞中插竹葉則喜其無
恙後以為常一蝶在嶋不堪慕母之情開窓於北
名曰望鄉窓又貽其畫於江都託朋友以給母衣
食故嶋中畫以北窓翁為落款蓋八丈嶋在武藏南方故云爾

僧風外

風外字慧薰常陸人居相州小田原城外山中之巖
窟與心越禪師為友天賦善畫人需其畫則取五升
米以換之米盡則復畫一紙後至伊豆雇人墾地七
八尺許自入其中即化矣余嘗觀其達磨及布袋圖

與松華堂相伯仲

僧雪峯

雪峯字大覺良高禪師法孫而為悟有和尚法嗣道
德甚高嘗作少林祖像及芙蓉峯圖筆法磊落有生
意

宗達

野村宗達名以悅號伊年又號劉青軒能登人初徙
居加賀金澤晚入京寓居豐宗寺師狩野安信得其
法大變其格花鳥用沒骨法余嘗觀百花圖重重疊

疊參差不亂曲盡其狀

光琳 乾山附

尾形光琳名方祝又號寂明平安人初學常信後師
伊年又創一格余嘗觀芙蓉峯圖以濃墨作水際之
岩用乳金潑混墨汁山頭塗白粉山腰塗石青用石
綠作松樹粲然可觀如使他人作此則俗惡令觀者
發嘔也弟乾山亦能畫

北汀先生曰伊年光琳奇變不凡各有偏長以他
天才筆姿令學正派則必與雪舟元信相抗識者

雪峰宗達
光琳乾山

淡惜焉

柴田義董曰如伊年之草花自率胸臆揮灑縱橫
信手而得其力量氣局可謂有過人者蓋前輩決
無此格也至光琳益出新意轉常為奇筆姿微妙
出其天性非強學之所能到也

宗雪

宗雪不審其姓名後改相雪學光琳有逸氣余觀其
秋野鶉鳥圖運筆設色似其師光琳歿後就狩野某
請學其家法示以已畫某嘆賞曰如學吾家法反失

其奇格竟不授法結為友云

始興

渡邊始興通稱永馬平安人初學狩野氏後參以光
琳淘汰二家自成一派冲澹潤澤擅名於一時余嘗
觀其山水殆與尚信爭先又觀墨梅墨松淡得光琳
筆意應舉常稱之為能手

山下

狩野山下號不及子為山樂支裔數觀其畫殊有逸
氣

宗雪
山下
始興

傳古不知其姓名善畫龍黑谷阿彌陀堂存其蹟

雪溪

山口雪溪又號梅菴平安人法雪舟又喜牧溪自號雪溪晚成一格偉俊蒼老氣味深厚蓋食古化者花禽亦瀟灑頗得雪舟風致宜哉夏拔時流享保中人梅泉曰當時天下畫匠之心目為探幽所歷不復求於古徒襲皮相遺精髓益失古意伊年光琳不拘宗法縱橫馳騁各出奇格雪溪獨追前蹤不隨時習不亦英士乎

玉蟾 誠齋鰲山附

望月玉蟾名玄玉蟾其字平安人初學土佐光成後師雪溪參以狩野元信差夏其格人物筆力老勁骨氣峻增賦色清艷而奇逸古意猶存一時秀也其子誠齋能家學弟子鰲山筆力適勁

醉月

大西醉月平安人學玉蟾善山水人物晚多撫元明古蹟頗有風致醉月一日具盛饌邀其友其友恠而問之醉月曰今日獲潤筆銀一枚吾有此重糶可以

玉蟾 誠齋 鰲山 醉月

潤枯腸可見當時潤筆之廉也安永中人也

東洲 竹堂古秀附

村上東洲名成章字秀斐平安人學鰲山稍變其格長人物山水一時發名弟子紀竹堂名寧字清夫八田古秀字子瑩各為好手

芭蕉

松尾芭蕉名挑青伊賀人慕僧西行風調中興諧歌馳名海內長禪學又好畫圖有天真自得之處

立甫

立甫屋號雛屋平安人長諧歌好丹青嘗製狂畫三十六歌仙圖奇恠可賞近來吳月溪倣其意而畫之

祐信

西川祐信號自得齋平安人善寫邦俗美人賦色斌媚最工秘戲圖狎昵之狀莫不精妙

梅泉曰秘戲圖不知始何人手自古有之多為卧軸相傳武夫藏之鎧櫃中以散久屯城守之鬱氣故往昔諸家皆寫之頃觀祐信所畫筆情纖勁設色精巧眉睫瑟瑟然欲動也古人云秘戲圖不巧

東洲 竹堂古秀
芭蕉
祐信

則已巧則誨媠矣信然

菱川師信通稱長兵衛善寫邦俗美人艷態柔情一見能動人心矣

大岡春卜學狩野氏有名其義子春川能丹青

僧古磧

古磧不知何許人初學狩野氏後不守其格好畫大黑天又長佛像

敬甫

高田敬甫號竹隱近江人初學狩野氏後師古磧善

人物不事規倣獨抒性靈揮灑橫逸壯年遊京攝最知名與吳俊明為一時領袖寶曆中歿歲八十

柴田義董曰敬甫俊明略同轍也世稱為建異幟然以余觀之未全脫時習猶汲狩野氏之餘波况

復齷齪於田野自以為足也若使此輩人得身居大都會與山樂友松等方駕而爭衡惜哉

雪鼎武禪附

月岡雪鼎名昌信近江人徙居大坂學敬甫而變善寫邦俗美人又工雜畫弟子黑井武禪名道觀字子

師信春卜
古磧敬甫
雪鼎武禪

全大坂人初爲商舶篙工甚好畫後竟以畫爲業有池大雅風

關月

關月名德臺字子温浪華人師雪鼎後法雪舟山水人物濃濕遒勁有彫本伊勢參宮名所圖繪及山海名產圖繪極精細若夫浪華天滿天神祠殿紙馬篠塚伊賀守圖等筆法蒼老沈確誠爲絕作

柴田義董曰關月山水人物頗見大家之風度梅泉曰自古礪至關月各立一格可謂有膽力

卓堂先生曰畫家氣習師弟傳染其毒必入膏肓而古礪敬甫脫狩野氏藩籬而雪鼎關月代變其格師弟不受束縛如是皆可觀也

常行不知何許人居越後新瀉學常信僧可存學常行得其法吳俊明嘗師此人云

吳俊明 子謹元誠元敬主膳附

五十嵐俊明脩以爲吳氏字方篤號孤峯越後新瀉人初學狩野良信後學梁楷及張平山而變其格家貯梁楷八仙人圖及李公麟卧軸張平山人物狩野

可存
後明 子謹元誠元敬主膳附

雅樂亮朱梅及古蹟數十幅俊明築一樓為學畫之處不下樓凡四十年長人物工設色又善書著名於一時天明中卒歲八十二有三子長日子謹其畫似乃翁又善書仲曰元誠長人物叔曰元敬詩書畫兼美元誠子主膳號靜所徙居江戶善人物山水嘗臨明王元章墨梅有風致

梅泉曰余聞之北汀先生元誠常以為吾技勝父俊明嘗製野馬粉本元誠密以朱改其粉本數月後俊明偶見之驚曰何為如此悉去其朱元誠大

慙

北汀 榕堂洲尾附

吳北汀名其正字必大能詩工書又撫法元明古蹟善山水墨竹余幼時師之其弟榕堂徙居江戶善書又畫梅菊弟子岩田洲尾寫山水

維明 如雲鼎介附

廣嶋維明字士興號鶴皇越後人學俊明其子如雲亦能畫如雲子稱鼎介學畫於父頗敏慧後為鑄工龍文堂贅婿以鑄諸器物為業龍文堂名泰輔絕技

北汀 榕堂洲尾
維明 如雲鼎介

精工鼎介亦不墜家聲也

加藤文麗名泰都任伊豫守江戶人學狩野氏後稍

變體

林閨苑名新字日新通稱秋藏大坂人師五岳

岡本蒞村曰閨苑性敏慧蚤慕明人之畫法和泉

堺津堺津昔異邦商船所泊故明時之畫尤多豪族某氏者家多貯明

人畫幅閨苑請而屢摹之遂得其風趣故其寫美

人筆法纖勁賦色鮮明略似九英如水墨人物則

專尚剛勁似張平山惜哉歲未滿四十歿

楫取魚彦通稱茂兵衛下總人徙居江戶工畫又長

國學

蕭白

曾我蕭白號蛇足軒又號鬼神齋不知何許人學雲

谷派參以曾我蛇足法山水人物皆濃墨剛勁筆健

氣雄姿態橫生竟以怪醜為一派嘗本願寺教主遣

使造蕭白家使者到門問曰蕭白在否蕭白親應曰

不在使者還疑其似蕭白聲反問曰先生在否蕭白

乃出接之其襟度如此

文藻 閨苑
魚彦 蕭白

梅泉曰余嘗觀其美人彈琴圖面貌如鬼余嘆曰
近世畫工之寫美人務求新艷強極妖冶之態曾
我氏獨為是奇恠可謂有膽力嗟呼令近世之畫
工識其餘唾或免弱劣蕭白亦折節少為平淡則
庶幾可以比肩古大家矣

岩井正齋尾張人學狩野氏筆力健勁

春岳 附 黃山

鼎春岳名元字世寶大坂人住天滿初師福原五岳
後出入諸家余觀其壽星圖筆情纖勁又有書名翁

子黃山天滿酒肆主人善人物

矢田四如軒通稱六郎兵衛加賀人畫名傳播矣

大原慶山平安人徙居長崎初學狩野氏後改其格

水村靜院薩摩人學狩野氏後法雪舟

雪關

櫻井雪關江戶人自稱雪舟派濃墨豪放腕力健勁
未免有圭角之病識者短之然鸞山月儼出于門下
是其榮也

雪且

春岳
正齋
慶山
雪關
黃山
四如軒
靜院
雪且

前川雪且名良顯平安人洛東要法寺仰板畫龍是其遺蹟也相傳雪且飲於寺中酒酣興發自上脚瓮仰以畫之

綾山

黑田綾山名良字忠良讚岐高松人師福原五岳又學林園苑壯年歷遊諸國終住備中玉鳴

僧鸞山

鸞山江戸淺草誓願寺僧也善書好畫初師櫻井雪關後多摸明人古蹟晚年自寫胸臆縱恣橫逸不拘

規矩自爲一派嘗遊某寺僧請畫龍于仰板鸞山卽縛筆於竿頭伸手揮成飛動可觀

同功先生曰華頂山某寺院有鸞山所畫寒山拾得圖寒山垂手殆至地筆勢磊落不拘繩墨可見其氣概超兀

平山安齋語余曰嘗觀鸞山所畫美人圖著采華湛頗有九英風旨安齋江戸人徙居越後拍崎製筆精巧其少時親見鸞山者也

梅泉曰雪且鸞山異轍同趣脚瓮竹頭之所爲豪

壯駭人目然是一時遊戲非賞鑒家之所尚也
等閑齋

谷等閑齋通稱源兵衛越後新瀉人學狩野氏其筆
力雖吳俊明不能過也然不妄洙翰故其名不顯于
世吳元誠嘗就此人學少林祖像

疊參差不亂曲盡其狀

光琳乾山附出前

尾形光琳名方祝又號寂明平安人初學常信後師
伊牟又創一格余嘗觀芙蓉峯圖以濃墨作水際之
岩用乳金潑混墨汁山頭塗白粉山腰塗石青用石
綠作松樹粲然可觀如使他人作此則俗惡令觀者
發嘔也弟乾山亦能畫

北汀先生曰伊牟光琳奇變不凡各有偏長以他
天才筆姿令學正派則必與雪舟元信相抗識者

畫譜要略 二十三
淡惜焉

柴田義董曰如伊年之草花自率胸臆揮灑縱橫
信手而得其力量氣局可謂有過人者蓋前輩決
無此格也至光琳益出新意轉常爲奇筆姿微妙
出其天性非強學之所能到也

宗雪

宗雪不審其姓名後改相雪學光琳有逸氣余觀其
秋野鷄鳥圖運筆設色似其師光琳歿後就狩野某
請學其家法示以已畫某嘆賞曰如學吾家法反失

